

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 51. stav (2) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Kantonalne uprave civilne zaštite, Vlada Zeničko-dobojskog kantona, na 121. sjednici, održanoj 13.03.2026. godine, donosi

## **ODLUKU**

### **o usvajanju Programa utroška budžetskih sredstava Kantonalne uprave civilne zaštite, pozicija “Tekući transfer neprofitnim organizacijama” – izvor 10**

#### **Član 1.**

##### **(Predmet)**

(1) Usvaja se Program utroška budžetskih sredstava Kantonalne uprave civilne zaštite, pozicija “Tekući transfer neprofitnim organizacijama” - izvor 10, i čini sastavni dio ove odluke.

(2) Utrošak sredstava vršit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 614 300, pozicija „Tekući transfer neprofitnim organizacijama“ u ukupnom godišnjem iznosu od 30.000,00 KM.

#### **Član 2.**

##### **(Način realizacije sredstava)**

Sredstva planirana Programom utroška budžetskih sredstava iz člana 1. ove odluke, realizirat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu i planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

#### **Član 3.**

##### **(Realizacija Odluke)**

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

#### **Član 4.**

##### **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko – dobojskog kantona“.

Broj: 02-11-4998/26

Datum, 13.03.2026. godine

Zenica

**PREMIJER**

*Nezir Pivić*

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.

**PROGRAM**  
**utroška budžetskih sredstava Kantonalne uprave civilne zaštite,**  
**pozicija “Tekući transfer neprofitnim organizacijama” – izvor 10**

**Član 1.**

**(Svrha Programa)**

Svrha programa jeste da se odobrena sredstva iz Budžeta Zeničko-dobojskog kantona za 2026. godinu (“Službene novine Zeničko-dobojskog kantona”, broj: 24/25 i 5/26), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama“ - izvor 10 u ukupnom godišnjem iznosu od 30.000,00 KM, iskoriste za pomoć udruženjima koja su od posebnog značaja za sistem zaštite i spašavanja ljudi i materijalnih dobara od prirodnih i drugih nesreća.

**Član 2.**

**(Visina sredstava)**

Visina sredstava utvrđenih ovim programom iznose 30.000, 00 KM (slovima: tridesethiljada konvertibilnih maraka) a planirana su za:

- a) Vatrogasni savez Zeničko-dobojskog kantona 22.000,00 KM,
- b) Crveni križ Zeničko-dobojskog kantona 8.000,00 KM.

**Član 3.**

**(Izvor sredstava)**

Izvor sredstava: Budžet Zeničko-dobojskog kantona za 2026. godinu (“Službene novine Zeničko-dobojskog kantona”, broj: 24/25 i 5/26), razdjel 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama“.

**Član 4.**

**(Kriteriji utroška sredstava)**

Kriteriji utroška sredstava: Udruženje kojem se dodjeljuju sredstva treba da se bavi pitanjima iz nadležnosti zaštite od požara i vatrogastva ili da pružaju humanitarnu podršku u toku prirodnih i drugih nesreća, da organizuju edukaciju i prevenciju vezano za prirodne i druge nesreće.

**Član 5.**

**(Kategorija korisnika sredstava)**

Kategorija korisnika sredstava: Udruženja građana od posebnog značaja.

**Član 6.**

**(Realizacija sredstava)**

Sredstva za provođenje ovog programa će biti utrošena za projekte iz člana 2. ovog programa.

**Član 7.**

**(Izvještavanje)**

O utrošku sredstava po ovom programu, Kantonalna uprava civilne zaštite dužna je polugodišnje izvještavati Vladu Zeničko-dobojskog kantona.

**Član 8.**  
**(Realizacija Programa)**

Za realizaciju sredstava po ovom programu zadužuju se Kantonalna uprava civilne zaštite i Ministarstvo finansija, svako u okviru svojih nadležnosti.

Broj: 02-11-4998/26

Datum, 13.03.2026. godine

Zenica

**PREMIJER**

*Nezir Pivić*

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.